

瑪雅曆法終結 周五世界末日？

梁藝齡以聖經拆解謠言



根據瑪雅人的曆法，一個紀元由13個周期組成，每5125年為一個紀元，從公元前3118年開始的本紀元，將於2012年12月21日結束，換言之當天將是世界「末日」，而22日則是一個新的開始，黎明來到。對於「末日」傳言甚囂塵上，甚至有人信以為真，因恐懼而自殺了斷生命；亦有人「趁火打劫」，發明避難工具，可以等同創世紀的挪亞方舟，安全過渡「末日」。「我哋相信有世界末日，我哋相信神會返嚟審判，但《聖經》所講，幾時係世界末日係無人預知的，唔會有一個年份、日子或者時間的，如果有的話便是假的。」身為影音使團代言人的梁藝齡接受本報記者獨家訪問時如是說。梁藝齡就是大家熟悉的當年影視花旦梁佩玲，她在娛樂圈翻滾了13個寒暑，2006年選擇在影音使團工作，立志要做「再世喬宏」，當今面對「末日」謠言，她表示不得不站出來向世人說個明白。

本報專題部記者 朱開通報道



■根據瑪雅人的曆法，一個紀元由13個周期組成，每5125年為一個紀元，從公元前3118年開始的本紀元，將於2012年12月21日結束，有人認為這就是世界末日。



■梁藝齡表示，「我哋相信有世界末日，我哋相信神會返嚟審判，但《聖經》所講，幾時係世界末日係無人預知的，如果有的話便是假的。」（朱開通攝）

荷里活大電影《2012》、《末日救地球》、《明日之後》、《死神來了5》等等，題材皆以世界末日來臨所掀起的大災難，在電影的特技效果和震撼的音樂襯托下，情節繪聲繪影，故事都拍得如幻似真，令觀眾愈看愈恐懼，愈恐懼就愈不知如何自救，很容易被薰陶「世界末日」真的要來了。

以訛傳訛致誤解

記者約訪梁藝齡，發覺面前這位曾經共事同一機構(TVB)卻不曾認識的「老朋友」，她風采依舊，星味不減當年。見面時，她特別囑咐影音使團高級主任余綺華把一套《挪亞方舟驚世啟示2》的紀錄片送給記者，讓記者在撰寫這個專題時有更多的資料佐證。記者被引進一間放滿道具的會客室，梁藝齡坐下來遞給記者一張小海報說：「今次我哋拍呢個專題紀錄片《2013明日之後》，原意就是要告訴世人，根本唔係有「末日」呢回事。我哋已訪問過專門研究瑪雅學說的科學家，但認為對於時間的準確度是有的，但並無講世界末日係邊一日，唔知點解以訛傳訛，傳到有2012年12月21日係世界末日呢個謠言出來，而過往我也不斷聽到關於末世的講法，曾經預言某年某月某日係世界末日，但次次都唔係真實，點解今次又會搞到咁言之鑿鑿呢？可能係2009年有一套電影《2012》出現咗，部電影夾雜咗好多animation(動畫)，好似真係天崩地裂，真係海嘯湧埋嚟，火山爆發，全軍覆沒，活現係大家眼前，所以近呢幾年明顯多咗好多人講2012係世界末日。」Fiona(梁之洋名)又表示：「我哋相信有世界末日，我哋相信神會返嚟審判，但幾時係世界末日係無人知的，唔會有一個年份、日子或者時間的，如果有明確指出的話就是假的。」

末日徵兆已出現

作為虔誠基督教徒的Fiona，在她信主後，每說一句話都有一股「神味兒」，她表示：「其實，世界末日並唔係近幾年要講的話題。在我未信耶穌之前，當時的我反應係『哦，有呢件事呀？』但係從來未試過真真正正深入了解到底講的咩嘢，好似覺得好遙遠，世界末日都唔關自己事，我死咗都未到世界末日啦，會有呢種心態；但現在發覺唔係嗰，並自覺有責任去話畀大家聽應該點樣去做，至於甚麼兩極

倒轉、太陽風暴等我無深入去睇過，因為我唔會信呢啲嘢嘍。其實世界末日係一個咩嘢徵兆，而呢啲徵兆裏面有無呢啲情況會出現，或者都有唔出奇的，因為真係世界末日嗰陣時，你會發覺整個大氣候地震、天災人禍全部係好頻密，甚至乎係大到連我哋都想像唔到咁巨大的災難；至於個災難性會唔會連埋一齊呢，我都唔知。但《聖經》所預言的事，我會信，我信的原因係因為我親身經歷過一啲嘢。因為2006年我遇上了車禍，當我知道自己發生咗車禍，我已經昏迷咗嗰陣下成個幾兩個鐘至被人叫番醒，當時我可能有生命危險的，但嗰個出人意料的平安係自己無expect(預料)到的，嗰個平安係大到你從未經歷過的，可能係你未曾去認知的狀態，當時我知道裂咗好多條肋骨，我感覺好痛，甚至乎我叫氣都好辛苦。但係嗰身體裏面我唔驚，我無喊過，我無大聲嗌。醫生後來講番，當時如果我大喊大叫的話，移咗多小小位呢，就有機會頂住上呼吸系統，就算俾氧氣筒我都唔會呼吸唔到，正正係因為我經歷過呢次出人意料的平安。」梁藝齡見證自己死裏逃生，與死神擦肩而過，避過了一劫。

深信《聖經》預言

Fiona車禍之後，對死亡不但沒有恐懼的陰影，反而更加積極面對人生，她接着說：「之後仲有第二次經歷，2009年10月，我親自攀上長年冰封、4200米海拔的土耳其亞拉臘山，以我唔係成日做開運動，又遇過車禍，手



■近年不少荷里活大電影，如《2012》、《末日救地球》、《明日之後》等，皆以世界末日來臨所掀起的大災難為題材。



■近年謠言四起，不少人認為2012年12月21日，將會是世界末日。

腳受傷比較嚴重，就算好番都只係得八成功力；如果要上咁高難度的火山石地區，嗰度隨時會有火山石碌落嚟，同埋啲好鬆散嘅嘍嘍石頭，仲要經過六、七十度的斜坡，非常之危險。但有記載指，挪亞方舟係停泊在亞拉臘山，我要親自上去見證呢件事，由當地的庫爾德族原住民帶我哋上山，一步步幾經艱苦上咗去。我入咗去一個五米深的山洞，我真係見到兩邊的牆身冰層底下所有都係木，見到有好大幅的木紋牆身，又見到有木樓梯、木橫樑，橫樑上面有木釘，挪亞方舟真係停泊咗嗰度。所以《聖經》裏面所講末日的預言寫得好清楚，依家係災難的開頭，國攻打國，民攻打民，到處有天災有地震有瘟疫；每日睇新聞都會見到，每日如是，只會愈來愈激烈。方舟與洪水的記載，並不是停留在毀滅，而是生命得到拯救。以色列和巴勒斯坦啱啱打咗仗；朝鮮發射火箭，日韓高度緊張；再加上最近地震、海嘯等天災頻頻咗，到處人心惶惶。這不就是災難開頭嗎？」

「生命總有限期，人生總有洪水。」Fiona指出，「紀錄片《2013明日之後》將會由專家解開「世界末日」之謎，希望大家看了專家的破解觀點後，會得出一個滿意的答案，活得開心，共同迎接新一年的來臨。」

相關新聞刊A03版

初八	初九	初十
【宜】修飾	【宜】開祈光福	【宜】結綢
0	21	22
十五	十六	十七
【宜】開市	【宜】不取	【宜】交
7	28	29

恐懼末日致人心不安

在所謂「世界末日」(12月21日)來臨前夕，梁藝齡效力的影音使團製作了一部紀錄片《2013明日之後》，同時設立一條人生熱線，為一些看完紀錄片之後對「末日」仍感到憂慮不安的人士，提供電話心理輔導。

影音使團創世電視主持人梁藝齡表示：「我哋好想嚟2013年帶畀大家一個新盼望，12月21日唔係末世，如果大家真係知道有末世存在的話，自己應該點樣真真正正去面對人生呢？世界末日又有咩徵兆？世界各地好多國家都在發明一些所謂逃生工具，大陸有、台灣有、日本有，甚至乎美國都有，種種現象在說明，人心裏想些甚麼？我們應用怎麼樣的心態去面對呢？我哋好想帶出一個真相話畀大家知，我們的原意就係咁樣。」

2013年是有盼望的

「早兩三個星期，有一個21歲年輕人，因為恐懼末世的信息跳樓死咗，好可惜。好多時香港人會覺得天災、戰亂距離香港好遠。香港都算係一個法治之區，一個平安福地，打風都永遠打唔到嚟，即使周圍其他地方都好嚴重，香港都無咩事，但並唔係唔關香港人，天災、地震、洪災雖然都未遇過。香港人好似唔識驚，呢啲現象大家唔睇唔到，其實大家都知，只係大家實在太忙了，唔理得咁多，最緊要賺錢，最緊要做成單生意，無注意到有好多徵兆嚟晒我哋身邊。」梁藝齡有感而發道。

「因為末世謠言，香港都有人跳樓了，但有幾多人真係知道呢？我哋希望嚟12月21日之前，話呢個真相畀人聽，同埋嚟呢一日過咗之後，大家應該點樣呢？我哋希望話畀人聽，人生係可以點樣選擇呢？可以更好更有盼望，帶畀人平安。至於點解我哋設立一條輔導熱線，係因為有啲朋友睇完我們製作的紀錄片後，但仍然未解開心裏面嘅問題，感到情緒不安，我哋希望可以同佢一齊度過呢段時間，令大家可以認知更多如何面對2012所謂世界末日之後，人生應如何走下去呢？係咪買個波波(中國版諾亞方舟)，買間避難屋就可以保到條命呢？唔係咁簡單的，其實大家要明白，我哋面對未來重有一個更美好的選擇。」

(專題部記者 朱開通)



■當年米高積遜來港時暢遊上古裝的米高積遜合照。